



Andr. Aug.

Michael.

et  
Traizlewii Petrus.

Fidelowicz Martini Gratiae novo auspice  
theologii honoris triumpho laureatae

PANEG. et VITAE

Polon. Fol.

Nº 183



N

D.  
C.  
E.

I

Ecc

Ec  
Co

C

EP  
AL



# GRATIÆ

Novo auspici Theologici Honoris triumpho,

## LAUREATÆ:

I N

*Perillustribus, Clarissimis, & Admodum Rñdis Dominis,*

in Collegio Majori S. Theologiæ

LICENTIATIS;

**D. M. ANDREA AUGUSTI:  
CZYRZYCZKOWIC,**

Ecclesiarum Collegiarum, S. FLORIANI ad Cracoviam CANONICO,

Sandecensis PRIMICERIO, Contubernii Staringeliani PROVISORE;

**D. M. RAPHAELE  
ARTEŃSKI,**

Ecclesiarum, Collegiæ S. FLORIANI CANONICO, Parochialis Paiecznensis

CURATO, Contubernii SmieŃzkoviani PROVISORE:

**D. M. PETRO  
PRACZLEWIC,**

Ecclesiarum Collegiarum, S. FLORIANI CANONICO, Pilecensis DECANO,

Contubernii Hierosolymitani Electo PROVISORE, Scholarum Novodvorscia-

narum ViceProvisore, In Cathedrali Ecclesia Crac: pro Festis CHRISTI

DOMINI & B. V. MARIE, Ordinario CONCIONATORE:

D U M

In Alma UniverŃitate Cracoviensi,

SUB EXIMIA PROTECTIONE,

*Celsissimi, Illustrissimi & Rñdissimi PRÆSULIS & PRINCIPIS,*

**D. JOANNIS**

De Małachowice

**MAŁACHOWSKI,**

EPISCOPI CRACOVIENSIS, DUCIS SEVERIÆ,

ALMÆ UNIVERSITATIS CRAC: CANCELLarii FAVENTISSIMI.



14139/11



SUB FELICISSIMIS AUSPICIIS,  
*Magnifici, Perillustri, & Reverendissimi Domini,*

**D. M. SEBASTIANI  
PISKORSKI,**

V. I. Doctoris & Professoris, Ecclesiarum,  
Cathedralis Cracoviensis CANONICI, Collegiatarum,  
SS. Omnium Crac: ARCHIDIACONI, Vielunensis CA-  
NONICI, Scholarum Novodvorscianarum & Contubernij Iuri-  
dici PROVISORIS, Almæ Univerſitatis Crac: PROCANCELLARII,  
Generalis & Vigilantissimi  
RECTORIS;

*Perillustri & Reverendissimo Domino,*

**D. M. MARTINO  
WINKLER,**

S. Th: Doctore & Professore, Collegij Ma-  
joris Seniore Patre, Ecclesiarum, Cathedralis Cra-  
coviensis CANONICO, Collegiatarum, Sandecensis  
PRÆPOSITO, Kielcensis SCHOLASTICO, Parochialis Premyko-  
viensis CURATO, Contubernij Hierosolymitani PROVISORE,  
S. R. M. SECRETARIO;

In florentissima Illustriū Hospitum Coronā,  
**Sacræ Theologiæ Doctores,**

RITU SOLENNI RENUNTIARENTUR,

*Oberati voto pectoris, & officiosa in Patres gratitudinis obsequio,*

**M. MARTINO FIDETOWICZ,**

In Alma Univerſitate Cracoviensi, Philosophiæ Doctore, Novodvorsciano  
Dialectices Professore, Contubernij Hierosolymitani Seniore.

**HONORATÆ.**

Anno Domini 1698. Die 19. Mensis Novembris.

CRACOVIAE, TYPIS UNIVERSITATIS.



# GRATIÆ

Novo auspici Theologici Honoris Triumpho

L A V R E A T Æ.

**I**mmortale magni Nominis decus,

& Laureati dives Honoris pretium,

Si cui mortalium raro & feliciore gloriæ proventu obveniant;  
prægnantes operosi curas laboris aperiunt.

*Laurea utiq; aurea in tempora venit,*

*quæ nisi sudor anhelus proluerit,*

*sequaces hedera non lambunt,*

Optati profectò pretium honoris, sudatæ virtutis præmium est.

Roma natus salignos etiam inter postes Lauros jactitet,

Curijs, Fabricijs, & Serranis, Dictatoribus,

partos inter aratra triumphos, ostendet;

Doctorales Laureas,

in eruditis Sapientum temporibus, elaboratæ virtutis Studiò natas,

perennis famæ incremento, Musæ canunt,

totaq; vasti per climata mundi festò triumphò concelebrant.

*Heroum per bella triumphum cum tempore mortales:*

*Laureas Sapientia vel ipsa immortalitas,*

*redi vivis usq; seculis ex æquare sufficit.*

Regia olim Persidos tempora

ex sagittis factæ pressere Coronæ,

Heroicæ virtutis decus & tutamen in armis:

in Literatorum Regno Virorum, Laureas,

immortalis gloria & præsidium,

neu oblivij aut caritè temporum cedat.

*Bellatorum ex hoste victoria, cruoris hostia;*

*Sapientia manubia & triumphum, laborum Gratia & Laureas.*

Agè si profectò alios,

fortuna ad gloriæ maiestatem indulgentiùs provexerit,

casum reliquit.

*Cedunt*



*Cedunt arma Foga,  
palmares Sapiencia Laureæ,  
affectus & vota omnium vincunt & vincunt.*

**Sapientia Coronæ in Gratias,  
Gratiæ in Laureas immortales desinunt:**  
ad quas generosis ausibus eluctari omnibus solenne,  
votis suis coronari, non fors omnibus æqua.

*Virtutem posuere Dii sudore parandam.*

*Nobilizat quidem suum quemq; opus,  
sed non uno modo cuiq; contingit fama honesta,  
probatâ virtute sua quisq; clarus efficitur.*

**Parens virtutis labor, otio non paret;  
Infractus pectoris, qui obvias quasq; difficultates frangit,  
in labore gloriam, in gloria laborem ostentando.**  
Operosæ Herculeæ virtutis robor,  
Secula loquuntur, rident curas inertes.

*Molimina quidem animos generosi pectoris exagitant,  
labores verius probant.*

*Gratias in Lauro triumphare,  
certare vastis conatibus justum, necessumq; est.  
Spectare certantium ludos dulce bellis animis,  
in ludo triumphantibus, Gloria, Gratia & Corona,  
primum, voti laus est honesti,  
alterum, emerita virtutis præmium.  
Porro virentes Gratiarum Laureas,  
Musæi pondus laboris censueris.*

*Ita profecto est,*

*blanda canunt in Gratijs silentia Musa,  
Sed simul Sudatos animorum labores canunt.  
Orphæi elaboratæ virtutis magisterium,  
dulce animos demulcet;  
Morphæi inania somniant.*

*Verè somnium Sapiens,  
mentis præclaræ studium laudatum, & opera est.  
Dulce non immerito generosis & sapientibus animis,  
laurô coronari;  
sudatorum recordari laborum, dulcius.*

*Majoris quippe portio gloria,  
non minor cedit & curarum prouentus est.  
Cælata virtus tibi gloria, operæ indefessa.*

*Pingue solum vires lassare solet,  
ne sterilem glebam nutrire videatur.*



Pallas animorum & Gratiarum secunda Mater,  
ideo per invia quæq; & aspera,  
vias contendentibus ad se fecit;  
ut probatæ virtuti Laureas debere ostenderet.  
Non secus, ac rerum opifex, Natura,  
pretiosa quæq; altis visceribus recondit,  
Felicitationis argumentum, in inveniando,  
gloriæ incrementum, in cognoscendo adaugens.  
Nobilem certè gloriæ palmam,  
omnes Scientiæ sibi justò vendicant:

**Tibi,**

prima triumpho portio debetur,  
in Tuis hodie Novis Gratijs Laureata,

**S. Theologia;**

quæ pennis volucris terram despiciens,

Divina Myſteria volvens,

Siderea niſi templa felicior tenes.

Rarum & pretioſum, in Vobis,

*Perilluſtres Clariffimi & Admodum Reverendi Domini,*

**Tam altiffimæ Scientiæ Ternionem,**

cultu debito deſpectans,

Novi Triumpho Veſtri ſpectator,

Memno Velut pendulus,

ex magno laborum Veſtrorum & ſcientiæ paratu,

**GRATIAS Veneror LAVREATAS.**

**Tu Prima Auguſti Nominis Gratia**

mibi occurras,

*Perilluſtris, Clariffime, & Admodum Reverende Domine,*

**D. M. ANDREA AVGVSTINE**

**CZYRZYCZKOWIC,**

**Qui omni genere virtutum,**

& ſolido eruditionis Argumento,

B

hoc



hoc Coronæ pretium ingens, & laudis decus promeritus,  
plausu nobiliore capis:

Cuius Nomini laborando,

*dulces tendunt Camæna fides,*

*& inter altos deuoti recessus silentij tibi instant:*

*ubi Palma Triumphi Nobilis, mentes prouocat,*

*& deuotas aures festus obambulat æther.*

Nimirum,

Tu benignioris Lucinæ cunis evolutus,

Iudice Cælo,

Quantus olim futurus sis,

non blandientium vota precantium;

sed certiores de Te Spes conceptæ omnium, iudicârunt.

Teneræ equidem ætatis studio Literas tenerrimè complexus,

Pictatis exemplo, & Studiorum profectu, cæteris eminuisti,

Gratiam animorum in gratia præferens.

Radius hic Virtutis Tux;

fontem luminis coronavit,

ubnam Iagelonice Palladis celebri Musarum Coronæ datus es:

Felix hæc Tui Mater ingenij,

blando Te & devoto sinu excipiens, adeo refovit;

ut hanc in Gratiam honoris provexerit.

Quidni laudatis gloriæ passibus,

per inuia quæq; & confragrosa,

*mentis solida professus, eò feliciter contenderis,*

*quò virtus generosos ausus & pectora trahit.*

Perplexos Scientiarum nodos felix triumphasti;

Lauream utramq; Philosophici honoris iuvenisti.

*Improbas profectò & vigiles torquere artium curas,*

*Nobile specimen ingenij est,*

*& triumphalis gloria Corona.*

Porro

Perillustis, Clarissime, & Admodum Rinde Domine,

Tu magnis ingenij dotibus,

& laudato Sapientiæ documento probatus,

non vanam popularem auram capiare;

sed ingentis laboris paratu quærere, didicisti?

*Mendaci.*



*Mendaci quidem fama vellificari  
illis nonnisi concessum,  
quæ industria sola philantia;  
quæve labor anxius minimè fatigat,  
scientia non exornat.*

Tu Almæ Pallados Iagelonice Nobile Germen,  
mox fructus maturos laborum explicuisti.  
Cum per ardua Philosophantium dogmata triumphans,  
difficiles quosq; nodos solvisti.

Præludia hæc Tui laboris,  
optatæ Corona gloriæ extiterunt.

Novodvorscianus Scholarum Professor,  
quantum desudaveris:

vel per memores famæ volitantis voces,  
& Discipulorum officia gratitudinis, celebraris:  
qua in statione gloriosa,

longus Annorum tractus felicius expendens,  
tantum Tibi gloriæ Titulum iusto meruisti,  
ut Musarum Gratia dicereris.

Tantum merces non irrita laborum;

### Votis Patrum,

cum Contubernij Hierosolymitani Senior Electus,  
Exemplar vivum pietatis & laboris fuisti.

Magnarum Prosapiarum Germina,  
ad Curules usq; Senatorias,

perennis laudis themate Professor excoluisti;

KOCHANOVIVS Prima Tibi & felix Gratia factus.

Togatæ dein Virtutis Doctor,

Minori assertus Collegio,

vasti plenam laboris Provinciam consecutus,  
infractus curarum, majoris gloriæ incremento felicior processisti,  
per Purpuratos Philosophiæ sudores,

Honoris Auroram hanc auream,  
non serus vesper provexit.

Sed prosperis Patrum votis,

Collegio Majori mox ipsa affulsit.

Difficilioribus curis, laboribusq; qui obveniant, infractus,  
prosperis minimè elatus.

*Hoc sapere est,*

*ut ubi opus sit, animum flectere possis.*



Ore suavissimo, dignissimoq; pro Rostris apparatus,  
ORATOR & Canonicus, ad Collegiatam S. ANNÆ  
per titulos omnes gradusq;

ad Collegiatam S. FLORIANI Canonicatum progressus,  
in Collegiata nunc Sandecensi Ecclesia

Primicerius gloriosè triumphas,  
optantium majora Tibi Corona factus es.

Affectus, hunc triumphum Doctoralis Coronæ,  
Patrum gratantium Tibi explicare,

vel Ipse Emeritus S. Th. Doctor & Professor,

*Perillustis, Clarissimus, & Admodum Rndus Dominus,*

**D. M. BASILIUS OLSZYNSKI,**

Ecclesiarum, Collegiatæ S. Floriani, Florentiæ, Canonicus,

Parochialis, Nasiechovicensis & Igotomienis Curatus,

Te singulari complexus amore, sufficit.

WERESCINIANÆ quoq; Cratiæ Tibi,

in Te præcipui amoris, felicitas,

famam vocalem in Fratribus Sacræ Religionis & Filijs,

Cordis monumentis sui deprædicent?

**His itaque,**

Gratantium voventiumq; Gratijs Coronatus,  
roseos felicioris vitæ cursus revoluas.

Meritorum laborumq; Tuorum Doctor?

Hoc Augusti culmen Honoris,

**AVGVSTINVS capesse beatus!**

**Laurea hæc,**

quam sudatis invenisti curis,

aureos Tibi reddat Soles:

mille gaudijs, mille Gratijs, cælitus Laureatus,

**Theologici Gloria Honoris,**

Vota Omnium triumphans,

Omnibus GRATIA fias.

**Huc dulces plausus, lætosq; sales,**

Pierides deducite Musæ,

dum Vester triumphali sub hedera,

gloriosus Homerus ovat,

*Perillus*



*Perillustis, Clarissimus, & Admodum Reverendus Dominus,*

**D.M. RAPHAEL ARTENSKI.**

**Magna hæc Vestræ portio gloriæ,**

bonarum mentium feliciore Cælo profluat,

Melioribus,

**Almæ Matris Academiæ Cracoviensis Vberibus enutrita.**

*Nasci quidem sub benigniore Sole vulgare est ;*

*instisui, Artis opus, & pars altera Viæ.*

*Primum cuiq; joui commune,*

*alterum rara Virtutis munus & pretium.*

Dicam,

**Perillustis, Clarissime, & Admodum Reverende Domine,**

primis Te cunabulis Laurea virente donauere Mulsæ,

tandem mentis eruditæ Gratiam fecere.

Publicæ hæ gratiarum voces,

& emeriti pro Te perorant honores.

*Non industrius labor laudantis ingenij,*

*volitare per ora hominum ;*

*sed gloria merentium,*

*Augustæ pretium mentis, calamo indicare,*

*munus est immortale.*

Et certè,

**Tu Numine, & Nomine secundo prosperatus**

quæq; adversa alto vultu despiciens,

virtutis intra orbitam victor triumphalis.

Non enim piguit Te,

solidi laboris gratas expendere curas ;

vt non ex vano Laureatus DOCTOR,

Gratia euaderes.

*Calcar bonæ Indolæ Virtus amula subdit,*

*Cuius generosam pectus succendit,*

*fax mentis honestæ gloria,*

**Prima glorioso conatu cum rudimenta viceris Minervæ,**

**Almæ Pallados Iagelonicæ,**

justo beneficio & iudicio,

Gemina Philosophiæ Laurea Caput Tuum coronavit.

Intortos quosq; difficultatum Philosophicarum nexus,

admirando laudati ingenij gloriosissimè vicisti.

*Non infractum laboris quatiunt cura animum,*

C

quem



*quem ferventior gloria entheus incessit.*

*Generosi damnatur Spiritus.*

*Cui labor est.*

**Herculeis Tu,**

humeros laboribus supponens,  
discentium amorem, & ardua curarum triumphasti.  
**Novodvorsiani** Studij Tuus conatus ingens,  
Studentium gratitudini Nomen perpetuae inaravit,  
Laureas honoris ubiq; semper congerendo.  
Molestos difficileq; scientiarum calles optimè calluisti;  
in eruditis tot Regni Poloniæ **MAGNATVM** Filijs,  
Vel Tibi perennis Eorum gratitudo, fama superstes,

& gloria sit, & gratantium Corona.  
Hæc laudem Tuarum apotheosi,  
Modestus apud Te virtutum sensus,  
Qui simplicitatis Academicæ verus Cultor,  
tranquillæ observantissimus vita,  
Contubernij Philolophorum Senior,  
Collegij Minoris, tandem Maioris,

Voto Patrum,

Professor dignissimus,

justo proventu laborum Tuorum es iudicatus.

*Ingentia quippe merita laborum non terminus,*

*sed gradus honorum sunt.*

Philosophicarum Purpuratus difficultatum victor,

Tylicianus dein Orator,

scriptis Clarus illustribus,

tantum Tibi famæ publicæ adauxisti;

ut omnem vincere ætatem videaris.

Per hos difficiles passus luctatus,

triumphalis gloriæ esleto,

ad istius Theologici Honoris Gratiam, cursum exegisti,

enixiori Professionis sollicitudine;

cur Gratia Laureata triumphes, probasti. (atibus,

Quantum desudaveris in Theologicis enodandis difficul-

**Vota Patrum, & Studentium Animi Testes.**

Publicas quoties Disputationes abolveris,

nunquam non sine triumpho,

felicitis Victoriæ gratantium judicantiumq; calculo.

Exedras pro Nostris Zelotes Divinis,

quoties triumphaveris silentium esto,

cum Summa pro Te vota decertent.

meip

Eccle-



Ecclesiæ Collegiæ antè Sanctæ ANNÆ,  
 nunc Sancti FLORIANI Canonicum,  
 Parochialis Paicznenſis Pastorem Vigilantiſſimum,  
 Contuberniū Smieſzkovianum Proviſorem Digniſſimum,  
 Vota gloriæ publica Gratiam Te concelebrent.  
 Immortalia hæc Tuarum merita Virtutum,  
 mortalibus obliuijs non aliquando cedent.  
 Ars nova verſuum, feliciffimo Throno Regali,  
 AVGVSTI NOMINIS dedicata,  
 Novum Tibi Gratiæ perennis monumentum peperit;  
 qui ad Suam ſimul Sereniſſimam Majeſtatem,  
 Glorioſus ORATOR exiſtiſti.  
 His ergo circumfuſus laborum & gloriæ ſplendoribus,  
 innubes convolve dies,  
 & immortales honorum gratias mereare.  
 Vivas longævus felicitatis propitiæ favores;  
 Secula Neſtor, fortunam Metellus,  
 Theologiſti honoris triumphalē Coronam vincas digniſſimus ævo.  
 Secunda Laureati Honoris Gratia,  
 Votis applaudentium Tibi, gratantiumq; beatus VIVAS.  
 Majeſtate nova auſpicatiſſimi Honoris,  
 Ô felices Camœnæ!  
 Novus gloriæ Veſtræ triumphus oritur,  
 & expectatus ſereno lætitiæ meridies accenditur?  
 Venit in publici Coronam gaudiij  
 Gratia Veſtra,  
 Perilluſtris, Clariſſimus & Adm. Rndus Dominus,

D. M. P E T R V S  
 PRACZLEWIC, &c.

Qui Vos pleno amore Paterno,  
 & ſollicito Studiis argumento conplexus;  
 gratiſſimos Vobis dies ſemper ſerenat.  
 Aurora, & Splendor omnis gratiæ aureus.  
 Et ſi mediſſidius juſtus triumphus labor, vires fatigare jubet.  
 Officioſe gratitudinis obſequium,  
 & cenſum venerationis à Vobis prærequirit.



Ita est,

*Perillustris, Clarissime, & Adm: Rñde Dñe,*  
Nobilioribus Tu ortus cunabulis,  
cùm primam auræ vitalis lucem salutaveris,  
faultis sub penetralibus educatus,  
fastis gloriæ perennibus ut gloriosius claresceres,  
artibus ingenuis animum devovisti.

Magnus honos est,

*Illustribus oriri Natalibus;  
Virtute & labore inclarescere, maximus.  
Primum, natura Sors melior,  
alterum generosi animi Corona est.  
Mane hoc illibatae Virtutis Tuæ,  
præsens iusti honoris explicat meridies:*

Uc

Almæ Vniversitatis,

Gemma felix, & gloria Nobilis,  
conceptum de Te Sapientiæ fructum,  
admirandis dotibus animi Tui coronas.  
Non mea de Te hæc existimatio est;

Sed in Te plaudentium gratantiumq; omnium,  
publica, & Patrum Literati sensus:

Paravere Tibi per magnos laborum recessus,  
ad hoc palmaris honoris fastigium vias,  
immortales Sapientiæ Laureæ,  
quas fronte sudatâ,

& indefesso curarum studio capessisti;  
ut minime parcens labori,  
omnium difficultatum felix victor,  
summum hodie Divinæ culmen scientiæ

Laureatus prenderes,

*In genios animos prima studia trahunt,  
peritantes laborum, actus egregij probant.*

Magnorum votis Patrum.

per tot exantlatos conatus provectus,  
Collegij Minoris,

mox & Maioris Professor factus,  
quantùm operosæ expenderis curæ,  
invictus Herodæ animo demonstrasti.

Princeps toties Philosophicæ Facultatis Purpuratus,  
magno ausu parandam scientiarum gloriam,  
Sanguineis Tuis laboribus probasti;

*laborem*



*laborem labore emi  
in Orbis gloria Literati ostendens.*

Purpura Te felix toties coluit,  
coluit omnis honos & Gratia.

Principem gloriam enixiore cura quæſiveris;

nam Philosophici Cursus Professor,  
perplexas quasq; difficultates nodosq;  
feliciter publicis Disputationibus.

Victor gloriosus evicisti.

Divinæ tandem Professor Theologiæ,

Sacrae Doctrinae Dogmata pandens,  
continuata Cursus Theologici Speculativi, serie triumphasti.

Augustus Cracij Vavelli Ternio,

Tibi Divino Pericli,

aurei oris Tui gratiam singulari Gratiâ pensans,  
& summas excelsi dotes animi iusto censens,  
ingens gloriae pretium addit.

Age hanc Theologici Honoris Gratiâ  
auspicari Tibi felicissime iustum est;  
dum hoc Tuo Honori Laureato,

*Vota tot Illustrissimarum Familiarum,*

Gratia, Rosa, Caput,

Leo, & Cynthia,

triumphales affectuum ignes accendant:

His Tu altis Gratijs invisceratus triumphas gloriosus.

Et certe

Tu in gemmeo pectore victor affectus,

MAGNI SCEPTORUM ALMÆ MATRIS NUNC PRÆSIDIS,

& Venerandorum Patrum,

hoc novo plausus triumpho coronas,

& feliciter reddis,

— in plaudentibus Omnium animis plura relinquis.

Magnorum in Te

profundos affectus, Gratias, gaudia & Publica ergo solennia vota,

LESNIEWICIANI & SOWINSKIANI

Nominum,

Silentiaris, quia imbellis Eorum Cultor,

Tuo amabili infero pectori.

In Comitibus Regni Generalibus toties,

par Atlanti Alcides comes,

D

Quam



quàm gloriosè pro Almæ Matris Honore, & bono illius publico desudaveris  
in gratis pectoribus monumentum habes.

Contubernij Hierosolymitani Electus Provisor Dignissimus,  
insufficientes Tuo applausui teneros & inbelles,  
in vota & obsequium animos, vincis, & triumphas.

Publica ergo cum Te maximo plaudentium gratulantiumq;  
vndiq; vota circumstant,  
& Laureatis plausibus coronant;

Applaudentibus Magno Honori Tuo Musis,  
Solennes ad Superos preces pro Te tendentibus,  
da Te Gratiam,

quæ Triumpho Tuo exoptato, in festa tripudia solutæ,  
*meo gratitudinis Professore animo,*  
has devotis pectoribus preces ingeminant,

Mythes vt Sacræ Theologiæ Coronatus,  
longissimos Annos & gradus Honorum fortunatus,  
Vivas & Vincas;

*Earum,*

GRATIA Princeps LAUREATA.

# ODE VOTIVA.

Palladis cum Choro Musarum,  
Novo Triumpho,  
APPLAUDENS.

*Q* Vis quæso Nostro Vertice personat  
Novus triumphus, quæve tripudijs?  
Festis celebratur voluptas?  
Quidve silens Academicus edit?

*En Lau-*



*En Laureata munere Gratia*  
*Nostra triumphant; tendite barbita,*  
*Io canoris vocibusq;*  
*Dulce melos date nunc Sorores!*  
*Vivant perenni laudis adorea*  
*Mystæ Sacratæ, vota q; publica*  
*Reddant triumphales Coronas,*  
*Per memores geminando fastos!*  
*Decore felix Nominis inclyti,*  
*Io triumphat Doctor eburneus*  
*Honoris, AUGUSTINUS Alma*  
*Matris jo Cynosura Nostra.*  
*Labore vicit per via maximo,*  
*Professor alta quivē scientia;*  
*Sat explicando gloriosus*  
*Dogmata, per titulos triumphat.*  
*Cedat Coronæ iam Sapientia,*  
*Magnis adauctus cedat honoribus,*  
*Felice vitâ Laureatus,*  
*Secula trahat meritò decorus.*  
*Calis RAPHAEL Nomen amabile,*  
*Adaugeatur plausibus inclytis;*  
*Vincat Secundus Laureata*  
*Tempora longa beatus aura.*  
*Infractus amplis hicce laboribus,*  
*Molesta vicit tædia pertinax,*  
*Mystes q; Divinis Togatus*  
*Mysterijs deditus triumphat.*  
*Intaminata conscius optimè*  
*Virtutis, Almus Doctor & Exedris*  
*En Laureatus nunc Coronam*  
*Emeritam pretio capeßit.*  
*Vivax Sacratæ gloria Verticis*  
*Nostri, secundo provehitur gradu,*  
*Ad alta procedens honoris,*  
*Culmina, PETRUS ovando Victor.*



*Est summa tanti palma negotij  
Virtus, laboris maxima portio,  
Doctus, Pericles, dignus omni  
Laude, canit meritò triumphum.  
Caput coronet gratius ut Polus  
Tantum, canoris fundite vocibus,  
Nunc vota, gemmeisq; flores,  
Iam manibus date Laureato!  
Auguste tandem Ternio, Gratia!  
Complete fastos secula per omnia,  
Splendore felices honoris,  
Per titulos numerando Nomen.  
Calis secunda Vivite! Vivite!  
Longos in Annos Vivite Gratia!  
AUGUSTE RAPHAEL, PETRE, Vobis,  
Vota damus pia Laureatis.*









